

U.M. 31 MAY 1989

# Freeman of the Company untuk Dr. Mahathir Mohamad

Dari *Profile*  
**Razak Rashid Ghows**

PERDANA Menteri Datuk Sri Dr. Mahathir Mohamad menerima anugerah kehormat *Freedom of The Company of Carpentars* semasa lawatan singkatnya ke London baru-baru ini.

Anugerah berupa sijil itu disampaikan kepada beliau oleh *The Worshipful Company of Carpentars*, Encik Jasper Godwin Ridley dalam satu upacara di Suruhanjaya Tinggi Malaysia di Belgrave Square.

Anugerah itu yang membawa gelaran *Freeman of the Company* adalah satu-satunya

anugerah yang jarang-jarang dikeluarkan. Antara penerimanya sebelum ini ialah Ratu Juliana dari Netherland dan Field Marshall Montgomery yang berkhidmat semasa Perang Dunia Kedua dulu.

Datuk Sri Dr. Mahathir dicalonkan untuk anugerah tersebut oleh bekas Datuk Bandar London, Sir Greville Spratt.

Perdana Menteri berada di London selama lima hari dari 24 hingga 28 Mei dan semasa di sini beliau telah menemui Puan Margaret Thatcher di Downing Street, merasmikan cawangan Bank Negara dan menghadiri Majlis Hari Raya dengan para pelajar Malaysia di Malavsia Hall.